

Na sesión celebrada na data que se indica, adoptouse o seguinte

ACORDO

Na cidade de Ourense, a vintedous de marzo de dous mil

Visto o expediente de clasificación do monte como veciñal en man común denominado "A Lampaza e O Cruceiro", por solicitude dos veciños dos lugares de Ponte Ambía de Arriba, Ponte Ambía de Abaixo, Pumares, Cachagonza, O Pazo e Vilar, da parroquia de Ponte Ambía no concello de Baños de Molgas.

Resultando que con data 29 de abril de 1998, tivo entrada no rexistro da delegación provincial da Consellería de Medio Ambiente, en Ourense, escrito dirixido ó Xurado Provincial de Montes Veciñais en Man Común asinado polos veciños dos lugares de Ponte Ambía de Arriba, Ponte Ambía de Abaixo, Pumares, Cachagonza e Vilar, (parroquia de Ponte Ambía), Concello de Baños de Molgas (Ourense), solicitando se declare o monte "A Lampaza e O Cruceiro" coma veciñal en man común.

Resultando que o Xurado provincial en sesión celebrada en data 18 de novembro de 1998, acordou tomar en consideración o citado escrito e inicia-lo expediente de clasificación do monte designando instructores do mesmo a d Abel Carvajales Santaefemia e dona Miriam Areal López, quenes aceptaron tal cargo, librándose



mandamento para a anotación preventiva no Rexistro da Propiedade de Allariz, e remitíndose comunicacións dirixidas ós veciños dos lugares indicados, ó Ilmo. Sr. presidente da Deputación provincial de Ourense, ó Sr. alcalde do Concello de Baños de Molgas, á delegación provincial da Consellería de Política Territorial, Obras Públicas e Vivenda, e ó xefe do Servizo de Montes e Industrias Forestais á Xerencia territorial do Catastro, e á Delegación provincial da Consellería de Agricultura, Gandería e Política Agroalimentaria, publicándose edictos no Diario Oficial de Galicia e no taboleiro de anuncios do Concello de Baños de Molgas, durante o prazo dun mes segundo consta en dilixencia estendida ó dorso do edicto polo secretario do citado concello, que durante o prazo sinalado en edictos para que os interesados poidesen comparecer ou intervir nel, en defensa dos seus dereitos, non consta presentada ningunha alegación.

Resultando que a anotación preventiva de iniciación do expediente, se practicou no Rexistro da Propiedade de Allariz, como segue: <<Folio 60 do Libro 47 de Baños de Molgas, Tomo 339 do Arquivo, leira 6.572, Letra A>>

Resultando que na tramitación do expediente cumpríronse tódalas formalidades legais.

Considerando que o Xurado provincial de Clasificación de Montes Veciñais en Man Común, ten xurisdicción e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.



Considerando que o tipo de comunidade xermánica que institúe a Lei de Montes Veciñais en Man Común ten como características esenciais as seguintes: 1) Que os condominios únense por vínculos persoais de vecindade agrupados en parroquias, aldeas, lugares, casaríos ou barrios non constituídos formalmente en entidades municipais; 2) Que polo tanto o número de titulares é variable e indeterminado; 3) que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cuota no sentido xurídico-romano; 4) que o patrimonio e a participación é inalienable, imprescritible e inembargable; e 5) Que a comunidade é indivisible, non podendo os comuñeiros pedi-la "actio communi dividundo".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños dos lugares de Ponte Ambia de Arriba, Ponte Arriba de Abaixo, Pumares, Cachagonza, O Pazo e Vilar (parroquia de Ponte Ambia), no Concello de Baños de Molgas (Ourense).

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños dos lugares indicados, están conformes coa clasificación do citado monte como veciñal en man común.



Considerando que a teor do disposto na Lei de Montes Veciñais en Man Común, o expediente de clasificación se iniciou por acordo do xurado, a instancia dos veciños dos lugares de Ponte Ambia de Arriba, Ponte Ambia de Abaixo, Pumares, Cachagonza, O Pazo e Vilar, para que este xurado puidese acordala iniciación do expediente de clasificación

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administración públicas e do procedemento administrativo común, do 26 de novembro de 1992, modificada pola Lei 4/1999,

Visto o Decreto 482/1997, do 26 de decembro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

ACORDA:

Primeiro. - Clasifica- lo monte denominado "A Lampaza e O Cruceiro", de 41.967 m², aproximadamente en conxunto, de superficie a favor dos veciños dos lugares de Ponte Ambia de Arriba, Ponte Ambia de Abaixo, Pumares, Cachagonza, O



Pazo e Vilar (parroquia de Ponte Ambia) no concello de Baños de Molgas, e cos datos que a seguir se relacionan, coma veciñal en man común, en réxime de comunidade xermánica.

Concello: Baños de Molgas

Monte denominado: "A Lampaza e O Cruceiro", integrado por oito leiras individuais, en conxunto

Comunidade propietaria: veciños de "Ponte Ambia de Arriba, Ponte Ambia de Abaixo, Pumares, Cachagonza, O Pazo e Vilar (parroquia de Ponte Ambia)

Superficie: 41.967 m², aproximadamente en conxunto.

- *Monte: "A Lampaza", integrado por sete leiras.*

Superficie: 38.070 m², aproximada.

Parcela n.º 1:

Superficie: 1.050 m², aproximada.

Estremas:

Norte: camiño.

Leste: camiño.

Sur: estrada Salgueiros - Viñal.

Oeste: herdeiros de José Rodríguez.

Parcela n.º 2:

Superficie: 7.500 m², aproximada.

Estremas:

Norte: Antonio Gómez e herdeiros de Erundina Rejo.

Leste: estrada de acceso a Cachagonza.

Sur: estrada Salgueiros - Viñal.

Oeste: camiño.



Parcela nº 3:

Superficie: 1.590 m², aproximada.

Estremas:

Norte: Antonio Gómez e Alfredo Vara.

Leste: Alfredo Vara.

Sur: camiño.

Oeste: camiño.

Parcela nº 4:

Superficie: 5.287 m², aproximada.

Estremas:

Norte: estrada de Salgueiros - Viñal.

Leste: camiño.

Sur: camiño.

Oeste: herdeiros de Antonio Cid.

Parcela nº 5:

Superficie: 15.100 m², aproximada.

Estremas:

Norte: camiño.

Leste: Ester Borrajo e Rudesindo Tesouro.

Sur: ferrocarril.

Oeste: Antonio Calvo.

Parcela nº 6:

Superficie: 7.560 m², aproximada.

Estremas:

Norte: ferrocarril.

Leste: herdeiros de Domicilio Fernández.



Sur: camiño.

Oeste: herdeiros de Antonio Cid.

Parcela nº 7:

Superficie: 620 m², aproximada.

Estremas:

Norte: camiño.

Leste: camiño.

Sur: Gerardo Gavilanes.

Oeste: Gerardo Gavilanes.

- **Monte: "O Cruceiro", integrado por unha leira.**

Superficie: 3.260 m², aproximada.

Parcela nº 8:

Superficie: 3.260 m², aproximada.

Estremas:

Norte: José Rejo e Asunción Coello.

Leste: José Gavilanes.

Sur: Angel Garrido e Gerardo Garrido.

Oeste: estrada "O Pazo".

No interior deste monte atópanse: antiga escola, depósito de auga, transformador de Fenosa e sendeiro de SO a NL.


Segundo.- *Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.*



Notifíquese esta resolución ó sr. alcalde-presidente do Concello, ós representantes da comunidade veciñal, ó sr. xefe do Servizo de Montes e Industrias Forestais, ós que se lles fará saber que esta resolución, que pon fin a via administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no Diario Oficial de Galicia (artigos 109 e 116 da Lei 30/1992, do réxime xurídico das administración públicas e do procedemento administrativo común, modificada pola Lei 4/1999, e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa).





A LAMPAZA - PLANO Nº 1 - ESCALA 1:2.000

VILAR

CARRETERA A VILAR

T.C.

CARRETERA A VINAL Y B. DE MOLGAS

CARRETERA A O PAZO

574,0

O PAZO